

چنگ بلی

مکان نمبر 10 تے مکان نمبر 11 نال نال سن۔ چندا ناں دی بلی 10 نمبر مکان وچ رہندی سی۔ راج ناں دا کتا مکان نمبر 11 وچ رہندا سی۔

دوہاں گھراں دے وچ کار کندھ سی۔ چندا ایس کندھ تے بہندی ہوندی سی۔ راج کندھ تے نہیں چڑ سکتا سی۔ ایس لئی اوہنوں غصہ آوندا سی۔ جدوں وی اوہ چندا نوں کندھ تے ویکھدا سی اوہ بھونکدا سی۔

جدوں راج دا مالک اوہنوں سیر کران لئی لے جاندا، راج دس نمبر پھاٹک دے اندر جھاتی ماردا۔ جے کر چندا اوتھے ہوندی تے راج اوہدے تے بھونکدا۔

دوہاں وچ ہر ویلے لڑائی رہندی سی۔ فیر اک دن اک خاص گل ہوئی۔ چندا نے بچے دے۔ تن نیکے نیکے بلونگڑے جنہاں دا رنگ چٹا اے کالا سی۔ بلی دے بلونگڑے جدوں جمیے نیں تاں اوہناں دیاں اکھاں بند ہوندىاں نیں۔ اک ہفتے بعد اوہناں دیاں اکھاں کھلدىاں نیں۔ ایس توں بعد کدھرے اوہ ٹرنا شروع کر دے نیں، ہولی ہولی ڈھگدے ڈھیندے۔

چندا دے سب توں نیکے بلونگڑے دا اک کن کالا تے اک چٹا سی۔ ایس دا ناں تارا سی۔ اک دن تارا پھاٹک توں باہر نکلی تے پارک وچ وڑھ گئی، جتھے پانی دا اک چھڑ سی۔ تارا ویکھیا کہ اک چڑی نے چھڑ توں پانی پیتا تے اُڈھ گئی۔ تارا نے اک مکھی ویکھی جیہڑی پانی تے بہن بہن کر رہی سی۔ تارا نے پانی توں باہر چھال مار دے اک ڈھڈو نوں ویکھیا۔

تارا پانی دے ہور نیڑے ہوندى گئی۔ اچن چیت چھڑ دے کنڈے دی مٹی توں اوہدا پیر پھسلیا تے اوہ دھڑم پانی وچ ڈگ گئی۔

بوہتا کر کے بلیاں نوں پانی پسند نہیں ہوندا اے تارا تے اچے بوہت نکى سی۔ اوہنے پانی وچ ہتھ پیر مار دے تیرن دا آہر کیتا۔ اک دم راج پانی دے کنڈھے دے کول آوندا اے۔ کتیاں نوں پانی چنگا لگدا اے تے اوہ تیر سکدے نیں۔ بندیاں وانگوں جنور وی نکه بالاں نوں مصیبت وچ نہیں ویکھنا چاہندے۔ راج نے تارا نوں ویکھیا۔ اوہنے پانی وچ چھال ماری تے بلونگڑے نوں گردن توں پھڑ کے پانی توں باہر لے آوندا۔ تارا زمین تے پئی ڈھنڈ نال کمبھن ڈئی سی۔ راج نے اوہنوں چٹیا تے اپنے نک نال اوہدے پاسے پلے۔ کجھ چر بعد تارا اپنے پیراں تے کھلو گئی۔

ایہنے چروچ چندا گھروں بھجدی ہوئی آئی اوہ تارا نوں لبھ رہی سی۔ اوہنے راج نوں ویکھیا جیہڑا چھپڑ دے کول بیٹھا سی تے اوہدیاں لتاں دے وچکار تارا سی۔ راج اوہنوں چٹ رہیا سی تے تارا اوہدے کن نال کھیڈی پئی سی۔

اوس دن توں بعد چندا تے راج دی لڑائی مک گئی، فیر وی اوہ اک دوچے نال نہیں کھیڈے۔ پر جتھوں تیکر راج تے تارا دی گل اے، اوہ چنگے بیلی بن گئے نیں۔ اوہ جدوں وی ملدے نیں رل کے کھیڈے نیں۔